

գնացեր են Մաղկազարդին շարաթ օրն մօտ ի դատին և էմինին և ի պարոնն, թէ եկէք զՅարութեան դուռն բացէք, որ ի ներս մտեմք: Ղատին և էմինն և պարոնն՝ ասցեր են Հոռմին պատրիարզին, թէ թող հայ ազգն այլ գայ, և ապա զդուռն բանամք. և հոռմինն ասցեր են, թէ այն չորս ազգն չեն ի գար. մեզի բաց որ ի ներս մտնեմք: Եւ յամէն մարդոյ զլուս Հոռմինն չորս չորս Ֆլորի են ժողովեր և տվեր են էմինին. և ապա թողեր են որ ի ներս են մտել. և ճաշուն՝ ի Յարութիւն կու մտնուն ուրախութեամբ. և յետ ժամ եղեր՝ և լոյս չէ ելեր. և ճրագվառք եղեր է՝ և լոյս չէ ելեր. և պառկել ժամ եղեր է՝ և լոյս չէ ելեր: Եւ յետոյ պարոնին մարդիքն և ենկիչարիքն և ղատուն մարդիքն և սուպաշուն և էմինին մարդիքն զՀոռոմինն ծեծեր և ի դուրս են արեր. և զհոռմին պատրիարզն և զզլուս եպիսկոպոսնին, և զզլուս աքապուռնին? զամէնն ի զնտան կու ձգեն, և կ'ասեն, թէ ի ձեր հաւատոցն վերայ պակասութիւն գտաք. և զամէնն կու տուգենն<sup>1</sup>. ի պատրիարգէն՝ Ռ և ԵՃ (1500) Ֆլորի կ'առնուն, և ի ժողովուրդենէն՝ յորմէ Ճ Ֆլորի կ'առնուն, յորմէ ԵՃ Ֆլորի, և յորմէ Ծ, յորմէ Կ, յորմէ Թ. զհոռոմներուն մեծ ու փոքր՝ զամէնն կու տուգենն. և հոռոմ ազգն սևերես լինալուն՝ մէկ շարաթ ի դուրս չեն ելեր. և ոչ ի մարդոյ յերես են նայեր: Այս հոռոմ ազգն պիղձն<sup>2</sup> ազգ է. ոմանք զատիկ արեր են և յոմանք հետ Հայոց սպրիլի ԹԳ զատիկ են արեր. և երբ մեր զատիկն եկեր է՝ նայ գնացեր են հոռոմին ի ղատին և ի պարոնն, թէ մեք այլ կրկին ի Յարութիւն կու մտեմք. և Հայերն ասցեր են ղատուն, թէ նոքա զիրենց զատիկն արին, հետ մեզ թող ի ներս չմտնուն. և ղատին այլ կ'ասէ, թէ խիստ աղէկ, թող չի մտնուն. և Հայոց ազգն և Ասորին և Նեստորն և Մարունին մըտեր են ի Յարութիւն. և Երուսաղեմայ քաղաքին պարոնն և էմինն, և բերդին ենիչարիքն և ութ ղատի և տաճարին մեծ չեխն, և Երուսաղեմայ քաղաքին զլիսաւոր տաճկինն, ամէնն իրենց մարդոցմովն կու մտնուն ի Յարութիւն, և զկանթեղնին կու մարեն, և կու նստին ի Քրիստոսի գերեզմանին դուռնն ի վերայ, թէ տեսնումք թէ որպէս կ'ենէ լոյսն: Եւ Հայոց ազգս ուրախութեամբ ի շուրջ են եկեր. և երբ լուսն ելնելու ատեն եղեր է, և հանդարտ որոտում եղեր է. և Սուրբ Լուսաւորչին աղաթիւքն և բարեխօսութեամբն լոյսն բխեր է, և Լուսաւորչին կանթեղն ինքն ընդ ինքն վառեր է. և պարոնն և էմինն և ղատեստանն և այլ տաճկինին զլոյսն տեսեր են, և ասցեր են մեր եպիսկոպոսին, թէ լոյսն ելաւ. և կու մտնեն ի ներս, մեր լուսարար Տէր Սամվել եպիսկոպոսն, և զլոյսն ի դուրս կու բերէ Հայոց ազգիս. և տաճկանց ազգն ամէն կու տեսնուն և կու զարհուրին և կ'ասեն, թէ հաւատքն Հայուն է: Եւ Հայոց ազգս խիստ ուրախացան որ Աստուծոյ ողորմութեամբն պարգերես եղաւ, և Հոռոմաց ազգն սևերես եղաւ, և զլիսկոր: Եւ Երուսաղէմ քաղաք տաճկաց ազգն հոռոմին կ'ասեն եղեր, թէ

1. Տուգանք կ'առնուն: — 2. Հակառակող: